

3 YON

Yon nakalelel kwatounun let townen-vak
silawun sinap mound.

Nakabsilamaw

¹ Tamwey yey, gunalet neiw waseg yakoum
Gayus. Kalin nuwag avakaein yakoum. E, peinan
Yeisuw angamag yakoum, singay ikalin nuwag
yakoum.

² Gwade, kululuwam tawtown, mapuna anini-
toug Yowbad waseg vagan bukuwāsaw, o
bukuses bwein.

³ Bo amwāsaw avakaein peinan sidayas nimeis,
nisekeigs livaneim yakoum, peinan amsinap
mound, bwanabwein.

⁴ E, baligen livneimiy nitug yakamiy, peinan
sinap bwanabwein kuyyousis, mo bamwāsaw
avakaein.

Mwasanin ilabeids; mwasanin gog isilbwadeids

⁵ Gwade, igaw bukulabes sidayas, o ambwab-
wal tasiyas bukuwtakavates, singay bwein mu-
wotet townen.

⁶ Tasiyas asilivan, ilansa, “Mtowen Gayus sin-
gay tasiwayoub wasigeis yakamey.” Asilivan
mawan nisekemas yakamey tayakelesiys. E,
sidayas binounas, kadiloka bukutanen bwein,
peinan takanaweins Yowbad aygan tasiyas.

⁷ Tasiyas bo ilisawes siven silmanin Yowbad
nawotet; tage nag ininitougs kaeis wasigeis siyas
tadadubs, nag.

⁸ Kadiloka bitalabes sidayas, idawotets katanok silmanin sinap bwanabwein.

⁹ Sinap kweitan nalel wagunalet niwekeimiy tayakelesiys yakamiy, tage townen Diyotilep ikaypom kaleiwag, isilbwed gunakaleiwag.

¹⁰ Igaw baw, mo bakamtel ansinap townen kalbaleb, o bakamtel anilivan townen makava ivtokeig livan. E, ansinap kwayuwein kalbaleb peinan nag itam sidayas tayekelesiys, o isilbwed siked tasiyas kalisiy sivines beitam s tayekelesiys tasiyas wasigeis, mo ibob siyekelesiy ineis wamnat.

¹¹ Gwade, awoum kwabkun sinap kalbaleb; sinap bwanabwein kwabkun. Toubweins tasiyas Yowbad angamag; tage takalbalebs nag ikakins Yowbad.

¹² Dimitil ansinap bwein. Sidayas babaw ilivanes mawan. Tasiyas asisinap moundid ilivans, ilansa, “Mtowen ansinap bwein.” Yey alivan mawan, o kukwakins agulivan moundid.

Taneim-o

¹³⁻¹⁴ Sivinag sinap babaw badibakeim, tage nag balel mullet waseg; peinan adok nuwanaw baw, mo bitakaypul soug yak, bitalivan aditeiy.

¹⁵ Kalin nuwag yakoum. Sidayas wamapalatan ikalin nuwes waseg yak. Agulivan siwayoub kusekes sidayas katanok katanok wasigeis. Taneim-o.

Yey Yon.

KALEIWAG KWEIVAW
The New Testament in the Muyuw Language of Papua
New Guinea
Nupela Testamen long tokples Muyuw long Niugini

Copyright © 1976, 1993 The Bible Society of Papua New Guinea

Language: Muyuw

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 11 Nov 2022 from source files dated 9 Oct 2020

517ae3da-6769-54e8-8afd-7d53f958558c